

癸酉四月

報申

日 十 初

第
三
百
十
二
號

[illegible]

國際郵政總局內郵政儲蓄人壽保險部

[illegible][illegible][illegible]

琉球朝貢考

選錄香港三月初六日華字日報

琉球一國在東瀛海中幾若黑子彈丸其開闢之始無甲子可稽國朝定鼎燕京琉球率先歸附不敢自王敦請襲封嗣後貢職恪共世守藩屬憑藉寵靈鎮撫荒徼子祈綿遠長作東南屏蔽現在向預貢獻之列則謂非本朝屬國者非也第考琉球之所由來其世次亦多茫昧其開闢草互乘匪特隨書載斯杳無可據即如洪永初封亦非姓尙今詳爲叢審上自天孫遞至今僻有約畧可言者也琉球始祖其初有一男一女生於大荒自成夫婦曰阿摩美久生三男二女長男即天孫氏開國始主也次男爲諸侯始三男爲百姓始長女曰君君次女曰祝祝爲國守護神一爲天神一爲海神今寺院有三首六臂女神手執日月名曰天滿大自在天神蓋卽此也此亦荒誕不經之尤者也傳二十五代姓氏俱無考起洪荒乙丑至宋淳熙十三年丙午逆臣利勇鳩而弑之遂自立浦添按司舜天討之利勇死諸按司羣奉爲王天孫氏遂亡舜天爲日本人皇後裔三傳而外禪於英祖自英祖至西威凡五傳察度氏興賢德素著人心悅服遂代其國二傳而爲山南王思紹所併以後則世爲尙氏至今弗替按景泰元年國王思遠遣百佳尼入貢二年遣察所等入貢已又遣亞間美等入貢頻年以來史不絕書未嘗與明絕也惟考日本史明萬曆三十七年義久取琉球其後書琉球入貢者十日本寬文十一年當中國康熙七年天和二年當康熙五十三年琉球入貢鑄新銀享保三年當康熙五十七年寬延二年當乾隆十四年寬政二年當乾隆五十五年又八年當嘉慶元年文化三年當嘉慶十一年天保三年當道光十二年天保十三年當道光二十二年其時琉球雖貢於日本然亦內屬我朝其貢船之來使臣之至固彰彰可考也如是日本安得私日本爲已有也哉其國民船遭風飄泊我朝本當加以撫恤何容日本爲之留詞卽其遇臺灣野番之難其人外於王化非屬中國之民人如英美諸國航海者無不遇之未聞其與我中國相齟齬也日本無端生隙以至遠遣使臣以相詰難雖其謂我中國之無人耶殊可哂已